

**NAXWAHA CUSUB EE  
AFSOOMAALIGA**

**B U U G G A                          1d**

**QORE : Maxamed Xaaji Xuseen Raabbi)**

**(JAAMACADDA UMMAADDA SOOMAALIYEED)**

**النحو الجديد للغة**

**بالصومالية**

*Lst.*  
**NAXWAHA CUSUB EE**

*200 +*

## **AFSOOMAALIGA**

**B U U G G A**

**1d**

**QORE : Maxamed Xaaji Xuseen Raabbi)**

**(JAAMACADDA UMMAADDA SOOMAALIYEED)**

**النحو الجديد للغة**

**بالصومالية**

**All Rights Reserved**

**1416 - 1995**

## **TUSAHA**

<b>Arar</b>	<b>1</b>
<b>1. Codayn</b>	<b>3</b>
1.1. Alifba	3
1.2. Xaraf	4
1.3. Cod	4
1.4. Laylisyo	4
<b>2. Ereyeyn</b>	<b>6</b>
2.1. Magaca	6
1.1. Cayn	6
1.2. Qodob	6
1.3. Wadar	8
1.4. Laylisyo	8
2.2. Falka	9
2.1. Goorayn	9
2.2. Qofayn	9
2.3. Laylisyo	10
2.3. Qurubka	12
3.1. Xidhiidhiyaha <u>ijo</u>	12
3.2. Xidhiidhiyaha <u>ama</u>	12
3.3. Xidhiidhayaha <u>oo</u>	13
3.4. Laylisyo	13

<b>3. <u>Weedhaynta</u></b>	<b>17</b>
<b>3.1. Weeddaha saleed</b>	<b>17</b>
<b>1.1. Reebid</b>	<b>17</b>
<b>1.2. Qurub weedheed</b>	<b>18</b>
<b>3.2. Noocyada weeddaha saleed</b>	<b>18</b>
<b>2.1. Nooca 1d</b>	<b>18</b>
<b>2.2. Nooca 2d</b>	<b>19</b>
<b>2.3. Nooca 3d</b>	<b>19</b>
<b>2.4. Nooca 4d</b>	<b>19</b>
<b>2.5. Nooca 5d</b>	<b>20</b>
<b>3.3. Laylisyo</b>	<b>20</b>
<b>4. Hadal iyo qoraal</b>	<b>22</b>
<b>4.1. Magacuyaal yeeleed</b>	<b>23</b>
<b>4.2. Qurubka "ma"</b>	<b>26</b>
<b>4.3. Laylisyo</b>	<b>28</b>
<b>5. Astaamaynta</b>	<b>29</b>
<b>Appendices</b>	
<b>I. Hadalka iyo Qoraalka</b>	<b>30</b>
<b>II. Jawaabaha</b>	<b>44</b>
<b>III. Ereybixinta</b>	<b>49</b>

## **ARAR**

'Buuggani waxa weeye buug yar oo qeexayaa fikrado saleed oo Naxwe. Wixa na aan ugu talagalay ardayda dugsiyada iyo waxbarashada dadweynaha ba qofkii doonaya in uu barto naxwahaha afkiisa hooyo. Todoba xubnood ayaa uu ka kooban yahay : 1. **CODAYN**, 2. **EREYEYN**, 3. **WEEDHAYN**, 4. **HADAL iyo QORAAL**, 5. **ASTAAMAYN**, 6. **EREYBIXIN** iyo 7. **JAWAABAHA LAYLISYADA**.

**1. CODAYN :** Xubinta codaynta waxa aan ku qeexay faraqa u dhexxeeya alifba, xaraf iyo cod, Alifba'da waxa aan isugu hawlay Soomaalida iyo shisheeyaha baranaya afkeenna ayaa dhib ku qaba akhriska alifba'dii hore ee guddida Afsoomaaligu garatay. Dareerinta qaamuusyada iyo ereybixintu na waa ay suurtoobi weydey. Middan waxa aan ugu talagalay tijaabo ahaan si ay soomaalida akhrisataa buuggan u naqdiyaan oo talooyin uga dhiibtaan.

**2. EREYEYN :** Ereyeynta waxa weeye Lafaguridda dhaqanka iyo dhismaha ereyyada afkeenna hooyo, ama cilmiga barashda dhaqanka ereyga. Halkan waxa ku qeexan habka ugu dambeeyey ee loo kala qeexo qaybaha hadalka. Habkaas oo qaba in qayb hadal oo kasta ay lee tahay sumado ay kaga duwan tahay qaybaha kale. Marka aan habkaas ku eegay Afsoomaaliga waxa uu lee yahay saddex qaybood oo guud hadalkisu : Magac, fal iyo Qurub.

**3. WEEDHAYN.** Xubintani waxa ay ku saabsan tahay dhaqanka naxweed ee weedhaha Afsoomaaliga, ama cilmiga barashda dhaqanka weedhaha. Habka loo qeexo weedhaha saleed iyo noocyadooda qaybta ugu horraysa ayaa aan ku qeexay.

**4. HADAL iyo QORAAL :** Waxa aan kaga faallooday xubintan dhawr meelood oo marka hadalka ay isku duubmaan laba erey. Marka qoraalka waxa laga ma maarmaan ah in la kala qoro ereyyada isku koobma. Qoraagu waa in uu aqoon u lee yahay meesha erey ka bilaamo iyo meesha uu ku dhammaado. Waa in uu kala sooci karaa koobidda, lifaaqaynta iyo lammannaanta.

Waa xubin muhim ah oo ay habboon tahay in uu akhriste kasta iyada ku horreeyo si uu u kasoo sababaha ereyyo badan oo Soomaalidu hadda isku qorto aan u kala qoray.

**5. ASTAAMAYN** : Xubintani waxa ay ku saabsan tahay habka ay fikradaha weedheed u qorsheysmaan. In aan weedh saleed la kala astaamayn oo keli ah ayaa aan wax ka tilmaamay. Weedhi haddii ay sal tahay, astaan gadaal ka raacda oo keli ah ayaa ay yeelataa.

**6. JAWAABAHA LAYLISYADA.** Xubin kasta oo buuggan (Xubnaha 6d iyo 7d mooyaan ee) waxa weheliya Laylisyo. Laylisyada waxa aan ugu talagalay in uu akhristubu isku laylo kasidda fikradaha saleed ee naxwe ee buuggan kooban ku qeexan ; dabeed na ay u suurtagasho hubinta weydiin kasta jawaabteda. Waxa habboon marka hore, in akhristuhu ka shaqeeyo dhammaan laylisyada xubin kasta, kadib na hubiyo in Jawaabhiisu la mid yihiin jawaabaha buuggan.

**7. EREYBIXIN** : Waxa buuggan ku jira ereyyo farsamo oo badan. Kolkaas xubintani waxa ay ku saabsan tahay qeexidda macne ee erey farsamo oo kasta iyo ereyyo kale oo Afscarabi, Afingiriisi iyo Aftalyaani ah oo macne ahaan la gudboon.

## 1. CODEYN :

Codeyntu waa cilmiga barashada codadka, ha ahaato sida codku u samaysmo ama sida uu codadka kale ugu dhexdhaqmo. Xubintan waxa aan ku kala qeexayaa faraq u dhexeeyaa : 1. Alifba, 2. Xaraf iyo, 3. Cod.

**1.1. Alifba :** Waxa weeye calaamdaha ama sumadaha ugu yar ee dhammaan codadka af lee yahay lagu qori karo ama lagu sunti karo. Hab gaar ah oo is dabo joog ah ayaa ay lee tahay. Qaamuus marka la samaynayo ayaa alifba'da si gaar ah loogu baahan yahay. Alifba aan ka sameeyey shibbanayaashii iyo shiqalladii guddida Afsoomaaligu soo saartay waa tan :

<u>Weyn</u>	<u>Akhriga</u>	<u>Yar</u>	
1. A	(a)	a	
2. B	(ba)	b	
3. T	(ta)	t	1. <u>Shaqalle</u> :
4. E	(ee)	E	a, e, i, o, u.
5. J	(ja)	j	
6. X	(xa)	x	
7. D	(da)	d	2. <u>Shibbanayaal</u> .
8. I	(i)	i	b, t, j, x, d, r,
9. R	(ra)	r	s,g,c,f,q,k,l,m,n,
10. S	(sa)	s	w,h,y.
11. G	(ga)	g	
12. C	(ca)	c	
13. F	(fa)	f	
14. O	(o)	o	
15. Q	(qa)	q	
16. K	(ka)	k	
17. L	(la)	l	
18. M	(ma)	m	
19. N	(na)	n	
20. U	(u)	u	
21. W	(wa)	w	
22. H	(ha)	h	
23. Y	(ya)	y	

Marka aad akhrido alifba'dan waxa aad ogaanaysaa in aan ka tegay shibbanayaasha kh, sh, dh. iyo shantii shaqal ee dhaadheeraa ; aa, ee, ii, oo, iyo uu. Sababaha aan uga tegay waa labo : (i) marka hore waxa ay ka kooban yihiin laba sumadood oo alifba'da ku jira, markaas waa celcelis aan alifba'du u baahnayn. (ii) Midda labaad ereyyada ay ugu horreeyaan waxa ay

qaamuuska kaga aadayaan meelo ay ereyyo kale ku aadayaan, sida :

Kh	Waxa ay ku aadysaa meesha	K
Sh	" " " "	S
Dh	" " " "	D
Aa	" " " "	A
Ee	" " " "	E
Ii	" " " "	I
Oo	" " " "	O
Uu	" " " "	U.

Tiro ahaan alifba'dani waxa ay ka kooban tahay saddex iyo labaantan (23) xaraf ama sumadood.

**1.2. Xaraf** waa calaamadda ama sumadda alifba'da ka mid ah. kolkaas waxa aan odhan karaa Afsoomaaliga alifba'diisa waxa ku filan saddex iyo labaatan (23) xaraf oo keli ah.

**1.3. Cod** waxa weeye sanqadh afka ka soo baxda oo ay ka wakiil noqon karaan hal xaraf ama labo xaraf, sida "c", iyo "sh". Codka hore ee "c" waxa ka wakiil ah hal xaraf, codka dambe ee "sh" se waxa ka wakiil ah labo xaraf, "s" iyo "h", oo isku biiray. Halkan waxa ku cad in Afsoomaaliga xarfihiiisa iyo codadkiisu aanay isku aadanayn. Middaas waxa la wadaaga afaf badan oo ay ka mid yihiin Afcarabiga, Aftalyaaniga iyo Afingiriiska. Ereyyada dhar, sheekh iyo qish mid waliba waxa uu ka kooban yahay Saddex cod-dh-a-r, sh-ee-kh, iyo q-i-sh. Haddii se laga eego xagga xarafaha, mid kasta waxa uu ka kooban yahay afar xaraf d-h-a-r, q-i-s-h, s-h-e-k.

#### **1.4. LAYLISYO**

**Layliska 1d.** Ereyyadani meeqa xaraf baa ay ka kooban yihiin, bal "kala sooc sida tusaalah".

- |                  |     |      |                  |     |
|------------------|-----|------|------------------|-----|
| 1. dad _____     | d-a | (2 ) | 2. qof _____     | ( ) |
| 3. keli _____    | ( ) |      | 4. talo _____    | ( ) |
| 5. baad _____    | ( ) |      | 6. diin _____    | ( ) |
| 7. awr _____     | ( ) |      | 8. kow _____     | ( ) |
| 9. shiish _____  | ( ) |      | 10. Shaadh _____ | ( ) |
| 11. Sheekh _____ | ( ) |      |                  |     |

**Layliska 2d.** Ereyyadan meeqa xaraf baa ay ka kooban yihiin.

1. Shaadh s-h-a-d (4)    2. Roodhi \_\_\_\_\_ ( )
3. Dhammaan \_\_\_\_\_ ( )    4. Malab \_\_\_\_\_ ( )
5. Cayn \_\_\_\_\_ ( )    6. Khamiis \_\_\_\_\_ ( )
7. Billad \_\_\_\_\_ ( )    8. Biyo \_\_\_\_\_ ( )
9. Caano \_\_\_\_\_ ( )    10. Rasaas \_\_\_\_\_ ( )
11. Nabadgelyo \_\_\_\_\_ ( )

**Layliska 3d.** Ereyyadani meeqa cod baa ay ka kooban yihiin.

1. Dad d-a (2)    2. Qof \_\_\_\_\_ ( )
3. Keli \_\_\_\_\_ ( )    4. Kan \_\_\_\_\_ ( )
5. kuwan \_\_\_\_\_ ( )    6. Godin \_\_\_\_\_ ( )
7. Xubin \_\_\_\_\_ ( )    8. Hadli \_\_\_\_\_ ( )
9. casri \_\_\_\_\_ ( )    10. ansaxin \_\_\_\_\_ ( )
11. beddelid \_\_\_\_\_ ( )

**Layliska 4d.** Ereyyada meeqa cod baa ay ka kooban yihiin.

1. Tookh t - oo - kh. (3)
2. Haruur \_\_\_\_\_ ( )
3. Masago \_\_\_\_\_ ( )
4. Magaalada \_\_\_\_\_ ( )
5. Gaashaan \_\_\_\_\_ ( )
6. Bunduq \_\_\_\_\_ ( )
7. Jidho \_\_\_\_\_ ( )
8. Jirto \_\_\_\_\_ ( )
9. Shabeel \_\_\_\_\_ ( )
10. Hadhuudh \_\_\_\_\_ ( )
11. Hadhuub \_\_\_\_\_ ( )

## 2. EREYEYNTA.

Ereyeyntu waxa weeye cilmiga barashda ereyyada. Ereyyada Afsoomaaligu waxa ay guud ahaan u qaybsamaan saddex qaybood :

1. Magacyo
2. Falal iyo
3. Qurubbo.

**2.1. Magacu** waa qaybta koowaad ee qaybaha hadalka. waxa sumad u ah oo lagu gartaa oo uu yeeshaa :

1. CAYN.
2. QODOB, iyo
3. WADAR.

**1.1. Caynku** waxa weeye dhaddignimada ama laboodnimada magac, sida.

<u>Tusaalah 1d :</u>	<u>labood</u>	<u>dhaddig</u>
Nin		Naag
oday		Habar
awr		hal
wan		lax
orgi		ri
aabbo		hooyo
haldhaa		gorayo
dawac/dacaw		
dawaco/dacawo		

**1.2. Qdobku** waxa weeye erey ku lifaaqma magace oo ku biiraya macrifad ama aqoonsi. Walaw, qodobbada Afsoomaaligu badan yihiin, waxa aan xubintan kaga faalloonayaa oo keli ah **QODOBBADA AQOONSI**.

Saddex nooc oo guud oo dhaddig iyo labood leh ayaa ay u kala baxaan qodobbada aqoonsi, sida tusahan ku cad ;

### Tusaha 1d.

	<b>Labood</b>	<b>dhaddig</b>
1.	ka	ta
2.	ku	tū
3.	kii	tiī

Qodobbadii marka ay magacyada aan hore u soo sheegay ku lifaaqmaan, sidan ayaa ay u saameeyaan : 1. Marka ay ka iyo ta ku biiraan :

#### Tusaalah 2d.

<b>Labood</b>	<b>Dhaddig.</b>
ninka	naagta
odayga	habarta
awrka	hasha.
wanka	laxda
orgiga	rida
aabbaha	hooyada
haldhaaga	gorayada
dawaca/dacawga	
dawacada/dacawada	

2. Marka ay ku iyo tu ku biiraan :

#### Tusaalah 3d.

<b>Labood</b>	<b>dhaddig</b>
ninku	naagtū
odaygu	habartu
awrku	hashu
wanku	laxdu
orgigu	ridu
aabbuhu	hooyadu
haldhaagu	gorayadu
dawacu/dacawgu	
dawacadu/dacawadu	

3. Marka ay kii iyo ti ku biiraan :

#### Tusaalah 4d.

<b>labood.</b>	<b>dhaddig</b>
ninkii	naagtii
odaygii	habartii
awrkii	hashii
wankii	laxdii
orgigii	ridii
aabbihii	hooyadii
haldhaagii	gorayadii
dawacii/dacawgii	
dawacadii/dacawadii	

Haddii aad tusaalayaasha sare u fiirsato qodob kasta waxa ka dheegma ama ka xarfama dhawr qodob oo isaga hoos yimaada, sida tusahan 2d ku cad.

## Tusaha 2d.

Labood			Dhaddig		
ka	ku	kii	ta	uu	ti
- ka	- ku	- kii	- ta	- tu	- tii
- a	- u	- ii	- sha	- shu	- shii
- ga	- gu	- gii	- da	- du	- dii
- aha	- uhu	- ihii	- ada	- adu	- adii

**1.3. Wadartu** waxa weeye sumadda saddexaad ee magacu yeesho. Noocyada wadareed ee Afsoomaaligu waa ay badan yihin. Halkan se waxa aan kaga warramayaa magacyada uu ku biiro lifaaqa wadarayneed ee ka koobma shaqal iyo shibbane, (soo gaabin ; ab = shaqalka - a iyo shibbanaha - b ugu dameeyaa magaca oo mar labaad soo ceshama). Lifaqaan, ab, waxa uu raacaa magac lab oo hal allane (one syllable ama maqdac) ka kooban. Kelidooda iyo wadartoodu waxa ay qaataan, qodob lab, sida tuaalahan 5d.

### Keli

mas - maska  
miis - miiska  
wan - wanka  
daad - daadka  
gees - geeska  
saf - safka  
taar - taarka

### Wadar

masas-masaska  
miisas-miisaska  
wanan-wananka  
daadad-daadadka  
geesas-geesaska  
safaf-safafka  
taarar-taararka.

## 1.4. LAYLISYO

**LAYSKA 1d.** Ereyyadani waa ereyyo lab. Dhaddigooda meesha madhan ku qor.

### labood

1. aar
2. ey
3. doob
4. faras
5. diiq
6. adeer
7. awow
8. abti
9. wiil
10. abees
11. sodog

### dhaddig

gool	_____
_____	_____
_____	_____
_____	_____
_____	_____
_____	_____
_____	_____
_____	_____
_____	_____
_____	_____

**LAYLISKA 2d.** Ereyyadan qodob ku biiri, dabeed dhaddig iyo labood u kala sooc :

- |               |                |               |               |
|---------------|----------------|---------------|---------------|
| 1. Shaadh,    | 2. Macawis,    | 3. Garbasaar, | 4. Shukmaan,  |
| 5. Masar,     | 6. Maro,       | 7. Surwaal    | 8. Saacad,    |
| 9. shaati,    | 10. Fasaleeti, | 11. kab,      | 12. suun,     |
| 13. cimaamad, | 14. Shaal,     | 15. Malkhabad | 16. Googarad, |
| 17. Kesheli,  | 18. Weesaaq.   | 19. silsilad, | 20. Fargal.   |

**Layliska 3d.** Ereyyadan kelida ah wadartooda ku qor meesha bannaan.

- |               |                |
|---------------|----------------|
| 1. Nin _____  | 2. Fin_____    |
| 3. Tiir _____ | 4. Mar_____    |
| 5. Muus_____  | 6. Moos_____   |
| 7. Suun_____  | 8. Shaadh_____ |
| 9. Hab _____  | 10. San_____   |
| 11. Af _____  |                |

**2.2. Falku** waa qaybta labaad ee qaybaha hadalka. Sumadaha lagaga sooco qaybaha kale ee hadalka waxa ka mid ah 1. Goorayn (tense) iyo 2. Qofayn (person). Ereyyii yeesha labadan sumadood waa fal.

**2.1. Goorayntu** waxa weeye habka falku isula rogrogo waqtiga. Ereyyada qaad, tag, weyn iyo cas waa fal, sidan ayaa ay goorayntoodu ama rogrogidoodu tahay :

Goorayn	goorayn	goorayn	goorayn	goorayn
amar	joogto	socod joogto	tagto	socod tagto
qaad	qaadaa	qaadayaa	qaaday	qaadayay
tag	tagaa	tegayaa	tegay	tegayay
weynaw	weynaadaa	weynaanayaa	weynaaday	waynaanayay
casaw	casaadaa'	casaanayaa	casaaday	casaanayay

Waxa tusaalahan ku cad in ereyyo aynu hore tilmaame ugu naqaanay ay goorayn yeesheen oo fal noqdeen.

**2.2. Qofayntu** waa qaabka ama dhismaha falku yeesho marka uu magacuyaallada ku aado, sida tusahan 7d. ku cad :

		Fal Socod Joogto			
Keli		aan aad uu ay	tegaya <u>tegaysaa</u> tegaya tegaysaa	wey naan ayaa <u>wey naan aysaa</u> wey naan ayaa wey naan aysaa	
wadar	waa	aannu aynu aydin ay	tegayna <u>tegynaa</u> tegynaa <u>tegaysaa</u> tegayaan	wey naan ayna <u>wey naan ynaa</u> wey naan ayna <u>wey naan ysaa</u> wey naan aynaan	

Fig. 4 dhismaha falalka aan hoose ka suntanayni waxa uu la mid yahay mid ka mid ah kuwa sunta.

Tusahan waxa ku qeexan in uu yeesho shan (5) qofaynood marka falku uu ku aado magacuyaallda yeeleed (subject pronouns). Middan oo sii xoojinaysa in ereyyada Afsoomaaliga hawsha tilmaanta qabtaa ay fal yihiin qayb ahaan.

### 2.3. Laylisyo

#### Layska 1d.

Dhammaan falalkan goorayntood waa goorayn amar. waxa aad u beddeshaa goorayn socod (1) joogto iyo (2) tagto ba :

	<u>amar</u>	<u>socod joogto</u>	<u>socod tagto</u>
1.	cun	cunayaa	cunayay
2.	cab	_____	_____
3.	dheeraw	_____	_____
4.	qas	_____	_____
5.	door	_____	_____
6.	fur	_____	_____
7.	xidh	_____	_____
8.	jar	_____	_____
9.	cuslaw	_____	_____
10.	fududaw	_____	_____
11.	tir	_____	_____

### Layliska 2d.

Dhammaan falalkani waa goorayn amar waxa aad u beddeshaa goorayn joogto iyo goorayn tagto.

	<u>amar</u>	<u>joogto</u>	<u>tagto</u>
1.	shid	shidaa	shiday
2.	dir	_____	_____
3.	hadal	_____	_____
4.	wac	_____	_____
5.	maqal	_____	_____
6.	bar	_____	_____
7.	tun	_____	_____
8.	gaabnaw	_____	_____
9.	jabnaw	_____	_____
10.	xidhnaw	_____	_____

### Layliska 3d.

Meelaha madhan ee tusahan dhismaha ku habboon ee falalka ku buuxi.

<b>waa</b>	<b>M. yeeleed</b> aan aad uu ay  aannu/aynu aydin ay	<b>fur</b> furay 2. _____ 3. _____ furtay      irridda  6. _____ furteen 9. _____	<b>dhuuban.</b> 1. _____ dhuubanaatay 4. _____ 5. _____  7. _____ 8. _____ 10. _____
------------	--	---	--

### Layliska 4d.

Meelaha madhan ee tusahan dhismaha ku habboon ee falalka ku buuxi.

				<b>Goorayn joogto</b>
Keli	waa	aan	<u>hadal</u>	<u>buurnaan</u>
		aad	1. _____	buurnaadaa.
		uu	hadashaa	2. _____
		ay	3. _____	4. _____
			5. _____	buurnaataa
Wadar		aannu/aynu	hadalnaa	6. _____
		aydin	7. _____	buurnaataan
		ay	8. _____	9. _____

**2.3. Qurubku** waa qaybta saddexaad ee hadlaka, sumadaha magaca iyo kuwa falka aan mid na yeelan. Halkan se waxa aan wax ka odhanayaan XIDHIIDHIYAASHA : 1. iyo, 2 ama iyo 3, oo.

**3.1. Xidhiidhiyaha "iyo"**, wax uu isku xidhaa laba magaca, sida Tusaallaha Id.

1. Cali iyo Cabdi ayaa tegay.
2. Waxa aan arkay caasha iyo Canab.
3. Shaati iyo surwaal baa ninku sitaa.
4. Wiilkii waran iyo gaashaan baa uu haystaa.
5. Caleen iyo midho ayaa geedku lee yahay.

**3.2. Xidhiidhiyaha "ama"**, waxa uu kala reebaa laba magac ama laba fal.

(i) Marka uu kala reebo laba mgaca waa sidan : Tusaalaha 2d.

1. Godin ama masaar ayaa aan soo gadanayaan.
2. Inanka ama inanta iigu yeedh.
3. Fariintan ninka ama naagta u sheeg.
4. Caasha ama cibaado ayaa maamuladdu rabtaa.
5. Agaasimuhu waxa uu doonayaa shaah ama bun.

(ii) Marka uu kala reebo labada fal na weedhaha "waa" xanbarsani iyo kuwa "baa/ayaa" xanbaarsani waa ay kala dhisma duwan yihiin, sida tusaalaha 3d.

(i) Weedhaha "ayaa/baa".

1. Gabadhii ayaa fadhida ama joogta hadda.
2. Koobkii baa dhacay ama jabay shalay.
3. Baabuurkii ayaa tegaya ama baxaya imminka.
4. Caleentii baa go'aysa ama daadanaysa xilligan.
5. Geedka ayaa abaarsaday ama qalalay mar hore.

(ii) Weedhaha "waa".

1. Gabadhii waa (ay) fadhidaa ama (waa ay) joogtaa hadda.
2. Koobkii waa (uu) dhacay ama (waa uu) jabay shalay.
3. Baabuurkii waa (uu) tegayaa ama (waa uu) baxayaa imminka.
4. Caleentii waa (ay) go'aysaa ama (waa ay) daadanaysaa xilligan.
5. Geedku waa (uu) abaarsaday ama (waa uu) qalalay mar hore.

**3.3. Xidhiidhiyaha "OO"** waxa uu isku xidhaa laba fal, sida, Tusaalaha 12d,

1. Askarigii baa kacay oo eegay cadawgii.
2. Ilmihi ayaa kufay oo ooyay.
3. Intixaankii dhawr arday ayaa kasay oo bixiyay jawaab fiican.
4. Afadii ayaa dhaamisay oo rartay haamihii.

### **3.4. Laylisyo**

#### **Layska 1d.**

Labadan weedhood isku darkooda u qor sida tusaalaha.

1. a. Maamulaha ayaa baxay.  
b. Agaasimaha ayaa baxay.  
t. Maamulaha iyo agaasimaha ayaa baxay.
2. a. Qalinka ayaa jabay.  
b. Dhalada ayaa jabtay.  
t. \_\_\_\_\_
3. a. Qalinka ayaa dhacay.  
b. Qalinka ayaa jabay.  
t. \_\_\_\_\_
4. a. Islaanta ayaa timid.  
b. Inanta ayaa timid.  
t. \_\_\_\_\_
5. a. Biyihii ayaa kululaaday.  
b. Biyihii ayaa karay.  
t. \_\_\_\_\_
6. a. Shaadh ayaa gubtay  
b. Shaayad ayaa gubatay  
t. \_\_\_\_\_
7. a. Raadiyaha ayaa daarmay.  
b. Raadiyaha ayaa hadlay.  
t. \_\_\_\_\_
8. a. Baabuur baa muuqda.  
b. Baaskel baa muuqda.  
t. \_\_\_\_\_

9. a Ilmaha caaniihii baa ka xumaaday.  
b Ilmaha caaniihii baa ka daatay.  
t.
- 

10. a Neefkii libaax baa helay.  
b Neefkii libaax baa cunay.  
t.
- 

11. a Gabadhii mas baa qaniinay.  
b Hooyadeed mas baa qaniinay.  
t.
- 

### Layiska 2d.

Labadan weedhood kala reebiddooda u qor sidan Tusaalahaa.

1. a Sonkor ayaa aan soo iibinaya.  
b Bariis ayaa aan soo iibinaya.  
c Sonkor ama bariis ayaa aan soo iibinaya.

2. a Dhalo ayaa jabtay.  
b Muraayad ayaa jabtay.  
t.
- 

3. a Caleentii baa daadatay.  
b Ubaxii baa daatay.  
t.
- 

4. a Dabkii baa shidmay.  
b Dhuxushii baa shidantay.  
t.
- 

5. a Daruur baa cirku lee yahay.  
b Ceeryaamo baa cirku lee yahay.  
t.
- 

6. a Qalin i sii.  
b Masaxad i sii.  
t.
- 

7. a Sinimihii Cali baa galay.  
b Riwaayaddii Cali baa galay.  
t.
- 

8. a gurigii Caasha ayaa tagtay.  
b xaafadda Caasha ayaa tagtay.  
t.
-

9. a Shaadhkii ayaa jeexmay.  
b Surwaalkii ayaa jeexmay.  
t.
- 

10. a Bakhaarkii Cali baa tegay.  
b Dukaankii Cali baa tegay.  
t.
- 

11. a Inankii baa yimid.  
b Inantii baa timid.  
t.
- 

**Layliska 3d.** labadan weedhood kala reebiddooda u qor sida tusaalaha.

1. a Caashi waa (ay) timid.  
b Caashi waa (ay) maqan tahay.  
t. Caashi waa (ay) timid ama (waa ay) maqan tahay.

2. a Ninku waa (uu) hadalayaa.  
b Ninku waa (uu) tegayaa.  
t.
- 

3. a Dabkii waa (uu) baxayaa.  
b Dabkii waa (uu) shidmay.  
t.
- 

4. a Geedku waa (uu) magoollan yahay.  
b Geedku waa (uu) cagaaran yahay.  
t.
- 

5. a Irriddu waa (ay) xidhan tahay.  
b Irriddu waa (ay) ceshan tahay.  
t.
- 

6. a Geelii waa (uu) caymaday.  
b Geelii waa la dhacay.  
t.
- 

7. a Awrkii waa (uu) lumay.  
b Awrkii waa (uu) caymaday.  
t.
- 

8. a Cali waa (uu) gudbi intixaanka.  
b Cali waa (uu) dhici intixaanka.  
t.
-

9. a Gidaarku waa (uu) dhismi.  
b Gidaarku waa (uu) dumii.  
t. \_\_\_\_\_

10. a Xoghayihii waa (uu) baxay.  
b Xoghayihii waa (uu) hoyday.  
t. \_\_\_\_\_

11. a Ardaygu waa (uu) bukaa.  
b Ardaygu waa (uu) cadhaysan yahay.  
t. \_\_\_\_\_

### **3. WEEDHEYNTA.**

Weedhayntu waxa weeye cilmiga barashada weedhaha.

#### **3.1. Weedhaha Saleed :**

Waxa af waliba lee yahay WEEDHO SALEED oo gundhig u ah weedheytiisa, dhawr nooc na waa ay u kala baxaan. Weedha saleed waxa badi lagu gartaa laba amuurood.

1. **REEBBID** : Erey ka ma bixi karo ereyyadeeda.
2. **QURUB WEEDHEED** ayaa ay badi xanbaarsan tahay ama la socda.

**1.1. Reebiddu** waxa weeye marka erey laga saaro weedh saleed. Macnaha gaar ahaaneed ee weedh saleed waa uu doorsoomaa ama burburaa marka bixid erey dhacdo, sida.

#### **Tusaalah 1d.**

- Weedho saleed    1.    Nin baa hadlay.  
                       2.    Baabuur ayaa nin jiidhay.  
                       3.    Aabbihiis baa lacag wiilka siiyey.

##### **i) Marka ereyga hore baxo.**

1. \* baa hadlaya.
2. \* ayaa nin jiidhay.
3. \* baa lacag wiilka siiyey.

##### **ii) Marka ereyga labaad baxo**

- \* 1. Nin hadlayaa
- \* 2. Baabuur nin jiidhay.
- \* 3. Aabbihiis lacag wiilka siiyey.

##### **iii) Marka ereyga saddexaad baxo.**

1. Nin baa.
2. Baabuur ayaa jiidhay.
3. Aabbihiis baa wiilka siiyey.

Weedhaha (i) iyo (iii) waa ay naxwe jaban yihiin. kuwa (ii) na waa macne dhiman yihiin. kolhaas waxa aynu odhan karnaa weedhaha saleed erey keli ihi ka ma bixi karo. Haddii se uu ka baxo, weedhii saleed waxa ay isu beddelaysaa weedh macne dhiman ama naxwe jaban.

**1.2. Qurub weedheedku** waxa weeye erey qurub ah oo inta badan la socda weedhaha saleed, sida saddexda weedhood ee sare (tusaalaha 1d).

Weedhahan hoos ku qoran, haddii aad ka bixiso ereyga suntan oo ah qurub weedheed waxa ay isu beddelayaan weedho dhiman, sida :

#### **Tusaalaha 2d.**

- |                                  |                       |
|----------------------------------|-----------------------|
| i) 1. Wiilka <u>ayaa</u> yimid.  | ii) 1. Wiilka yimid.  |
| 2. Cabdi <u>baa</u> qalin helay. | 2. Cabdi qalin helay. |
| 3. Caashi <u>waa</u> tegaysaa.   | 3. Caashi tagaysaa.   |

Waxa tusaalahsan ku cad in weedhaha qurubbada weedheed xanbaarsani ay buuxaan naxwe ahaan oo sal yihiin (erey ka ma bixi karo) ; marka qurubbada weedheed baxaan na ay weedhihi noqonayaa weedho naxwe ahaan dhiman oo aan sal ahayn.

Weedhaha saleed waa in ay naxwe ahaan iyo mance ahaan ba buuxaan oo aanuu erey na ka bixin karin.

**3.2. Noocyada** Weedhaha saleed waxa ay u qaybsamaan dhawr qaybood oo guud. Halkan se waxa aan kaga faalloonayaa qaypta kowaad oo ah kuwa falkoodu qaato hal magac.

Weedhaha saleed ee falkoodu qaato hal magac waxa weeye kuwa falkoodu yahay magudbe. Weedhaha noocan ihi waxa ay u qaybsamaan shan nooc marka xagga falkoodh laga eego : 1. *Fal ABYANE*, 2. *Fal MA-ABYANE*, 3. *Fal FARCAN*, 4. *Fal TILMAAMEED*. iyo 5. *Fal LAMMAANE*.

**2.1. Nooca 1d** ; Weedhaha nooca kowaad waxa ay xanbaarsan yihiin fal abyane sal ah. Fal abyahuu gadaal keli ah ayaa uu iska rogrogaa. Dhammaan weedhaha hoos ku qorani waxa weeye weedho ah nooca kowaad oo falkoodu yahay fal abyane saleed, Sida :

### **Tusaalaha 3d.**

1. Ardayga ayaa kacay.
2. Faraska ayaa dananay.
3. Wasiir baa hadlaya.
4. Shinbir baa duusha.
5. Ilmuuhu waa uu koraa.

**2.2. Nooca 2d.** Weedhaha noocan labaad waxa ay xanbaarsan yihin Fal ma-abayne. Fal ma-abyanuhu gadaal iyo hore ba waa uu iska rogrogaa. Weedhahani waa kuwo tiro yar, waxa ka mid ah kooxdan weedhan keli ah, Tusaalaha 4d.

1. Ergo ayaa timid.

**2.3. Nooca 3d.** Weedhahan nooca saddexaad waxa fal u ah fal farcan. Falka farcani waa fal aan sal ahayn. Falka farcani waxa weeye fal salkiisa lifaaq ku biirmay. Bal isu fiiri labadan fal, mid sal yahay, mid na, farcan yahay :

<b><u>SAL</u></b>	<b><u>FARCAN</u></b>	<b><u>LIFAAQ</u></b>
qaaday	qaad <u>may</u>	-m-
buuxay	buux <u>samay</u>	-sam-
baxay	bax <u>saday</u>	-sad-
qoday	qod <u>may</u>	-m-

Haddii aan weedho geliyo falalkan farcan, waxa dhalanaya weedho saleed oo falkoodu farcan yahay, hal magac na xanbaarsan, sida :

### **Tusaalaha 5d.**

1. Miiskii baa qaadmay.
2. Ceelkii ayaa buuxsamay.
3. Eedeysanihi waa uu baxsaday.
4. God baa qodmay.

**2.4. Nooca 4d.** Noocan afraad ee weedhaha saleed ee hal magac qaata waxa fal u ah fal hawl tilmaameed qabta (fal tilmaameed) sida weedhahan hoosee.

### **Tusalah 6d.**

1. Cali baa dheer.
2. Geedka ayaa cagaaran.
3. Buugga ayaa yar.
4. Qalinka ayaa jaban.
5. Inanta ayaa cas.

**2.5. Nooca 5d.** Noocan shanaad ee weedhaha saleed ee hal magac qaata, waxa fal u ah fal lammaane (fal hawl tilmaame qabta iyo fal ahaansho), sida, tusaalaha 7d.

1. Cabdi waa uu weyn yahay.
2. Laantu waa uu cagaaran tahay.
3. Qorigu waa uu jaban yahay.
4. Hashu waa ay lammaan tahay.
5. Midabkiisu waa uu cas yahay.

### 3.3. Laylisyo

#### Layliska 1d.

Weedhahan kuwa macne buuxa (B) ku qor, kuwa macne dhiman na (D) ku qor, sida tusaalaha.

D	1.	Geed baxaya,
B	2.	Wiilka ayaa qoslay.
	3.	Baa meesha tegay.
	4.	Ayaa guriga ooday.
	5.	Intixaankii waa fiicanaa.
	6.	Mas baa jiiq leh.
	7.	Danjire ayaa xamar.
	8.	Buug jeexan.
	9.	Qalin waa jaban.
	10.	Ceel baa qodan.
	11.	Tuug baa boorso dafay.
	12.	Meel baa.

#### Layliska 2d.

Weedhahan qurub weedheed ku habboon ku qor meesha bannaan, sida tusaalaha.

1.	Wiilka	ayaa	baasgeelka wata.
2.	Ninku		geeljire.
3.	Caasha		guriga tagaysa.
4.	Caashi		ay tegaysaa xamar.
5.	Kan		fasalka joogay.
6.	Kani		uu joogay fasalka.
7.	Cabdi		geedka koraya.
8.	Cabdi		uu korayaan geedka.
9.	Inantu		ay hadlaysaa.
10.	Inanta		hadlaysaa.

### Layliska 3d.

Falka weedh kasta oo weedhahan ka mid ah fal abyane, fal ma-abyane, fal farcan, fal tilmaameed, iyo fal lammaane kol ba kii uu yahay falku ku qor meesha bannaan, sida tusaalaha.

- |               |   |
|---------------|---|
| <u>abyane</u> | 1. Aabbiis baa <u>hadlaya</u> .           |
|               | 2. Xaaskii ayaa <u>yimid</u> .            |
|               | 3. Tuugga ayaa <u>baxsaday</u> .          |
|               | 4. Arday baa <u>baxay</u> .               |
|               | 5. Ilmihii baa <u>orday</u> .             |
|               | 6. Canbuuhu waa uu <u>weyn yahay</u> .    |
|               | 7. Suunka <u>ayaa dheer</u> .             |
|               | 8. Reerkii baa <u>guuray</u> .            |
|               | 9. Irridii ayaa <u>furantay</u> .         |
|               | 10. Cibaado ayaa <u>timid</u> .           |
|               | 11. Wiilkii ayaa <u>qoslaya</u> .         |
|               | 12. Albaabkii baa <u>xidhamay</u> .       |
|               | 13. Geedku waa uu <u>magoolan yahay</u> . |
|               | 14. Qalinka ayaa <u>gaaban</u> .          |
|               | 15. Hablihi waa ay <u>yimaadeen</u> .     |
|               | 16. Ceelku waa uu <u>dheer yahay</u> .    |
|               | 17. Kan baa cas.                          |
|               | 18. Ashuunkii baa <u>buuxsamay</u> .      |
|               | 19. Tani waa ay <u>culus tahay</u> .      |
|               | 20. Laantu ayaa <u>qalalan</u> .          |
|               | 21. Nalkii baa <u>damay</u> .             |

### Layliska 4d.

Weedhahan weedh kasta nooca 1d, 2d, 3d, 4d, iyo 5d, kii ay tahay ku hore qor, sida tusaalaha.

- |                 |                                   |
|-----------------|-----------------------------------|
| <u>Nooca 3d</u> | 1. Baabuurkii baa qalibmay.       |
|                 | 2. Mootadii baa jabtay.           |
|                 | 3. Safarkii ayaa yimid.           |
|                 | 4. Shaadhkan ayaa cad.            |
|                 | 5. Ardaygu waa uu fiican yahay.   |
|                 | 6. Shukmaankii baa jeexmay.       |
|                 | 7. Caanaha baa badan.             |
|                 | 8. Idinku waa aydin timaadaan.    |
|                 | 9. Qolku waa uu kooban yahay.     |
|                 | 10. Irriddii ayaa ceshantay.      |
|                 | 11. Beeshii baa rooban.           |
|                 | 12. Wiilkii ayaa oyey.            |
|                 | 13. Libaaxii baa booday.          |
|                 | 14. Hilibkii ayaa solmay.         |
|                 | 15. Baaquligu waa uu weyn yahay.  |
|                 | 16. Annagu waa aannu nimid.       |
|                 | 17. Raggii waa ay joogaan.        |
|                 | 18. Furaashka ayaa fudud.         |
|                 | 19. Joodarigu waa uu fudud yahay. |
|                 | 20. Madiibaddii ayaa daboolantay. |

#### **4. Hadal iyo Qoral.**

Afafka illaa maanta qoran mar waa lagu hadalaa, mar na waa la qoraa. Walaw aad loogu dadaalo in af kasta sida loogu hadlo loo qoro, hadda na weli aad ayaa ay u kala duwan yihiin af kasta heerkiisa hadal iyo heerkiisa qoraal, maxaa yeelay marka hadalka waa lagu degdega oo ay ereyyadu isku koobmaan. Marka se qoraalka erey kasta gaar ahaan baa loo qoraa oo loo hubsadaa erey weliba bilawgiisa iyo dhammaadkiisa. Kolkaas Afsoomaaliga waxa ka buuxa meelo badan oo ay isku koobmaan laba erey ama in ka badani. Xubinta buuggan waxa aan ku qeexayaa dhawr meelood oo ay laba erey isku koobmaan, intii aan afka la qori illaa maanta na dadka aan aqoon cilmi ama naxwe u lahayn ay isku qoraan marka ay Afsoomaaliga qorayaan. Qeexiddani waxa aan u cuskaday laba sharci oo aasaas u ah kala qoridda ereyyada. Sharciga 1d. Erey la ma kala qori karo, haddii macnihii su is beddelayo ama burayo, sida, tusaalah 1d.

		<u>kala qorid.</u>
1. Erey sal ah. "arag" ----->		ar      ag
2. Erey kooban "waxaan" ----->		$\left\{ \begin{array}{ll} \text{wax} & \text{aan} \\ \text{waxa} & \text{aan} \end{array} \right\}$

Marka hore ee ereygu sal yahay kala qoriddiisu waa ay jaban tahay oo macnihiiisi ayaa doorsoomay ama jabay. Marka dambe ee ereygu kooban yahay se, kala qoriddiisu labada siyood ba macnihoodu waa isla sidii hore, waayo koobidda ayaa laba macno yeelan karta, sida tusaalah 2d.

1. Wax aan jirin baa aad sheegtay.
2. Waxa aan rabaa qalin.

Sharciga 2d. Haddii erey laba erey ama in ka badan laga dhigo, ereyyada ka dhashay kala qoridda, waa in erey kastaa ka mid noqdaa qaybaha hadalka ee afkaas, isaga oo aan macnihii hore wax iska beddelin.

Meelaha ay laba erey isku koomaan ee ay habboon tahay in la kala qoro marka qoraalka waxa ka mid ah labadan meelood : 1. MAGACUYAAL YEELE IYO EREY KALE, 2. QURUBKA "MA" IYO EREY KALE.

**4.1. Magacuyaal yeeleed** iyo erey kale waa isku koobmaan marka hadalka, waxa na habboon in la kala qoro marka qoraalka. Waxa shardi ah marka qoraalka in magacuyaal yeeleed gooni loo qoro, ereyga ku biirmaa nooc kasta ha ahaado ee.

Magacuyaallada yeeleed waxa weeye kuwan, tusaalaha 1d.

	<u>keli</u>	<u>Wadar</u>
Qofka 1d	aan	aannu/aynu
Qofka 2d	aad	aydin
Qofka 3d.	uu	ay
	lab	
	dhad.	ay

Ereyga ama ereyyada la koobma magacuyaalladan waa ay ka hor maraan, waxa na ka mid ah "in", "waxa", "baa", iyo "waa". Koobidda afartan erey iyo magacuyaallada yeeleed ee sare, waxa ay u fidsamayaa sidan, tusaalaha 2d,

### 1. "in" a) Koobid.

ma	inaan	tago	baa aad rabtaa ?
	inaannu	tagno	
	inaynu	"	
	inaad	tagtid	
	inaydin	tagtaan	
	inuu	tago	
	inay	tagto	
	"	tagaan	

b) Fidsanaan.

ma in	aan	tago	baa aad rabtaa ?
	aannu	tagno	
	aynu	"	
	aad	tagtid	
	aydin	tagtaan	
	uu	tago	
	ay	tagto	
	"	tagaan	

2. "waxa" a) Koobid.

waxaan	rabaa	roodhi.
waxaannu	rabnaa	
waxaynu	"	
waxaad	rabtaa	
waxaydin	rabtaan	
wuxuu	rabaa	
waxay	rabtaa	
"	rabaan	

b) Fidsnaan.

waxa	aan	rabaa	roodhi.
	aannu	rabnaa	
	aynu	"	
	aad	rabtaa	
	uu	rabaa	
	ay	rabtaa	
	"	rabaan.	

**3. "Baa"**    a) Koobid

Qalin	baan	haystaa
	baannu	haysannaa
	baynu	"
	baad	hysataa
	baydin	hysataan
	buu	haystaa
	bay	hysataa
	"	haystaan

b) Fidsanaan.

Qalin baa	aan	haystaa
	aannu	hysannaa
	aynu	"
	aad	hysataa
	aydin	hysataan
	uu	haystaa
	ay	hysataa
	"	haystaan

**4. "waa"**    a) Koobid

	waan	arkay	Xamar.
	waannu	aragnay	
	waynu	"	
	waad	aragtay	
	waydin	aragteen	
	wuu	arkay	
	way	aragtay	
	"	arkeen	

b) Fidsanaan.

Waa	aan	arkay	Xamar.
	aannu	aragnay	
	aynu	"	
	aad	aragtay	
	aydin	aragteen	
	uu	arkay	
	ay	aragtay	
	"	arkeen	

**4.2. Qurubka "ma"** iyo erey kale waxa ay isku koobmaan marka hadalka, wawa na habboon in la kala goro marka Qoraalka. Wawa shardi ah marka qoraalka in qurubka "ma" gooni u qormo, erey kasta ha ku biiro ee, sida kuwa sare aan u kala qoray.

Ereyyada la koobmaa qurubka "ma" waa ay faro badan yihiin, halkan se waxa aan ku tilmaamayaa marka uu ku koobmo *MAGACUYAALLADA YEELEED, MEELEEYE, iyo FALAHAAANSHO*, Sida,tusaalayaasha,3d.

1. "M. yeeleed"      a. Koobid

	Maan	tegin magaaladdi.
	Maannu	
	maynu	
	maad	
	maydin	
	muu	
	may	
	"	

b) Fidsanaan.

Ma	aan	tegin magaaladii.
	aannu	
	aynu	
	aad	
	aydi	
	uu	
	ay	
	"	

2. "Meeleeye" a. Koobid.

(i) Keli ah

lafoole	kama	imam.
baabuur	kuma	
Cabdi lacag	lama	
walaalkay	uma	

(ii) Lammaan

Aabbohood xoolo	ugama	tegin.
Ninku wiilka xamar	uguma	
Odaygii xaaskiisa lacag	ulama	
Aga asmuhu xafiiks qalab	kagama	
Adeegihii qolka fure	kalama	
Inantu inanka baabuur xamar	kulama	

b. Fidisanaan

(i) Keli ah

lafoole	ka	<u>ma</u> iman.
Baabuur	ku	
Cabdi lacag	la	
walaalkay	u	

(ii) Lammaan

Aabbohood xoolo	uga	ma tegin.
Ninku wiilka Xamar	ugu	
Odaygii xaaska lacag ula	ula	
Agaasimihu xafiika qalab	kaga	
Adeegihii qolka fure	kala	
Inantu inanka baabuur	Xamar kula	

3. "Falahaaansho"

a) Koobid

Ninku waayeel maaha.  
Ninkii wargeleen maahayn.

b) Fidsanaan.

Ninku waayeel ma aha.  
Ninkii wargaleen ma ahayn.

4.3. Laylisyo

Ereyga qaansada ku jiraa waa laba erey oo isku koobmay. Fidsanaantooda ku qor meesha bannaan, sida tusaalah.

1. (Waxaan) wax aan jirin baa uu sheegay.
2. (Maan)
3. (Maad)
4. (Muu)
5. (May)
6. (Maannu)
7. (Maynu)
8. (Maydin)
9. (May)
10. (Goorma) \_\_\_\_\_ ayaa aad tegaysaa ?
11. (Maka) \_\_\_\_\_ timid xamar ?
12. (Buuggaan) \_\_\_\_\_ hayo ma rabtaa.
13. (Qalinuu) \_\_\_\_\_ lee yahay ma ku tusay ?
14. Saacad (bay) \_\_\_\_\_ sidataa.
15. (Buugaan) \_\_\_\_\_ jirin baa uu doonayaa.
16. Ma hoy (baad) \_\_\_\_\_ haysataa ?
17. (Waxaad) \_\_\_\_\_ lee tahay ma arag ?
18. (Waqtima) \_\_\_\_\_ ayaa aad imanaysaa ?
19. Mar (mala) \_\_\_\_\_ timid ardayda ?
20. Weli xamar (maku) \_\_\_\_\_ tagtay dayuurad ?

## **5. ASTAAMAYNTA.**

Astaamayntu waxa weeye arrin u gaar ah fikrad qeexid weedheed, iyadu na waxay ay saalka ku haysaa sharcigan.

Weedh la ma kala astaamayn karo, haddii fikradda ay qeexaysaa doorsoomayo ama ay burayso. Halkan waxa aan ku qeexayaa (i). WEEDHO ASTAAMAYN QALDAN, (kuwa hakadka leh) iyo (ii). WEEDHO ASTAAMAYN SUGAN (kuwa aan hakadka lahayn).

Weedhaha, hoose, kuwa astaamaynta qaldani waa ay macne daran yihiin, kuwa astaamaynta sugani na waa macne toosan yihiin. Si aad macne darrida dhiihidda weedha u ogaatid hadalka haki marka aad hakadka dhahaysid weedhaha hakadka leh, marka kale ha hakan.

### **Tusaalaha 4d.**

(i)

1. Cali, ayaa yimid.
3. Ninka ayaa libaax, dilay.
5. Afadu waa, timid.
7. Baabuurkii baa, jabay.
9. Dabkii waa, shidmay.

(ii)

2. Cali ayaa yimid.
4. Ninka ayaa libaax dialay.
6. Afadu waa timid.
8. Baabuur baa jabay.
10. Dabkii baa shidmay.

Hakadku "," weedhaha hore macne ku biirin maayo. Markaas ereyyada weedh kasta kala soocidoodu qiime naxwe ma laha.

## APPENDICES

### I. HADALKA IYO QORAALKA

Luqadaha adduunka oo dhan, waxa jira hadal sheekaysi ama haasaawe ah oo caadi ah, iyo hadal qoran oo aan caadi ahayn. Hadalka sheekaysi ah waxa aan ku magacaabayaa hadal ; kan qoran na waxa aan ku magacaabayaa qoraal. Qoraalka Afsoomaaligu caadi ma aha ; maxaa yeelay dhegaha ayaa aan u baran. Kan hadalka ihi se waa caadi, oo dhegaha ayaa u bartay. Marka qoraalka, waxa laga ma maarmaan ah in erey kasta gooni loo qoro, inta badan na loo akhriyo. Marka hadalka see wax jirta, in lagu degdego dhihidda weedha oo taasi ay keento in ay is dhaxygalan ama isku dhafmaan dhawr erey.

Bilaa ba, uu asku ama luqaddu ka bilaabanto hadal ; barshada hadalka iyo barashada qoraalka na ay horrayso barashada hadalku, waxa dhacda in aan aragti aqooneed loo wada lahayn marka erey bilaabmo iyo marka uu dhammaado. Hadal na haddii dhakhso loogu dhawaqaqo, oo aan aragti loo lahayn dhammaadka iyo bilawga erey, waxa la ma huraan ah in dhawr erey isku erey loogu dhawaqaqo. Qaladka caynkaas ah ee hadalka ka duwa qoraalka, waxa leh afaf badan oo dunida lagaga hadlo, qaarkood ay yihiin kuwo muddo badan qorraa si xoog ah na looga shaqeeyey, oo uu ka mid yahay Afingiriisku. Walaw, faraqaas hadalku keenay intiisii badnayd laga dabar gooyay Afingiriiska, hadda na ilaa maanta, waxa marka hadalka isku dhafma falgargaare (auxiliary) iyo qurub diidmo (negative particle), sida :

#### Afingiriisi

Hadal : "I won't come".



#### Afsoomaali

"Lama iman".



Qoraal : I will not come      La ma iman.

Marka hadalka, ereyga "lama" waxa weeye qurub (xaraf, particle) maldah iyo qurub diidmo oo isku dhafmay. Waxa waajib ah in la kala qoro marka qoraalka. Waxa ay sidaasi hawl yaraynaysaa marka la doonayo in la cilmiyeeyo dhismaha ama naxwaha afka oo laga ma maarmaan u ah horumarintiisa iyo kobcintiisa.

Marka hadal iyo qoraal la kala hufayo, waxa loo cuskadaa laba sharci oo ka mid ah sharciyada ka abuurmay cilmiga afafka. Ka hore waxa weeye sharci qaba : "Erey la ma kala qori karo, haddii macnihiisu doorsoomayo ama jabayo". Midkan waxa tusaale u ah :

	<u>Erey dhan.</u>	<u>Erey kooban.</u>
1. Ereyga :	doorsaday	waxaan
		

2. Kala qoriddiisa : door saday\* waxa aan

Marka sare ee ereyyadu dhan yihii, muran ka ma taagna oo waa la kasi karaa macnaha labada erey ba. Marka hoose ee ereyyadii mid walba loo kala qoray labo erey, waxa cad in labada erey ee "door" iyo "saday\*" ka hore macne dhan yahay, ka dambe se macne jaban yahay calaamadda wehelisa na macnadaridiisa loogu biirshay. labada erey ee dambe "waxa" iyo "aan" waa ay macne dhan yihii. Kolkaas éreyga "doorsaday" la ma fidin (expand) karo, maxaa yeelay fidsanaantiisu waa ay jaban tahay oo macnihii hore ayaa doorsoomay. Ereyga se "waxaan" waxa loo fidin karaa laba erey iyada oo macnihii ereygu sidii hore yahay.

Sharciga labaad waxa weeye : "haddii erey labo erey laqa dhiqo, labada erey ee dhashay, waa in ay ka mid noqon karaan qaybaha hadalka (parts of speech) ee afkaas". Markaas labada erey ee "waxa" iyo "aan" waxa weeye "waxa" oo magac wakiil (noun substitute) ah iyo "aan" oo magacuyaal yeeleed (subjective pronoun) ah. Laakiin se labada erey ee "door" iyo "saday\*" waxa weeye "door" oo fal iyo magac ba noqon karta iyo "saday\*" oo walaw ay rogrogid (conjugation) fal lee tahay oo lifaaq tahay, hadda na aanay ka mid noqon karin qaybaha hadalka ee Afsoomaliga. Sababta oo ah, macne dhisme lifaaqan mooyaan, ma laha macne dhisme xor (free structural meaning) ah iyo macne buuxa (lexical meaning) mid na.

Markii aan baadhayay meelaha kooban Afkeenna iyo fidintooda, waxa aan ku shaqaynayay labadaas sharci ee ka mid ah sharciyada badan ee aasaaska u ah cilmiga afafka. Kala duwanaanta qoraalka iyo hadalka, waxa aad ku kala garan kartaa labadan hadal ee hoos ku qoran. Ka hore waa hadal hadal ah, ka dambe se waa hadal qoraal ah.

## **1.1 HADALKA**

[Habeen hore waxaan ka cunteeyay waabay wax ku kariso islaan garasho badanoo dheer. Wawaan soo galay waabta anoo gaajaysan, **markiibana** wawaan ku dhacay kursi **qoriyahoo** miis ku dhaw. **Markaan** isku hubsaday buu ila dhacay. Waabta islaantii ka shaqaynaysay bay gargaartayoo qacantay qabtay. Anigoo wareersan **bay** fadhiisay midaan kii **dhaaminoon** dhacayn, laakiinse liiqliiqanaya. **Markaan** wareer gooyay **bay** tidhi, "hooyo **maroontay**?"

Waxaan ugu jawaabay, "waan **ladnahaye**, wax la cunaa ma yaalliiin?"

"Wax laysku dayoon caano ahayn, **diyaarihina** ma yaalliiin." **Ayaygu** jawaabtay.

Waxaan idhi, "Maxaa dhacay ?"

Waxay tidhi, "waa goor dambee saacaddaada eeg."

Saacaddayduba, saw, way fadhiisatay, tobankiina way tilmaamysaa. Wagtiguna wuxuu ahaa goor damboo cagtii go' day, waabtana waaba layska xidhayay. Wawaan u sheegay islaantii inaan dhawr caano maal cunto haleeli waayay, oon waxaan hilib iyo bariis ahayni, **waxbayga** taraynin. Intay yara aamustay **bay** tidhi, "sug", oo iga dhaqaaday. Goor hal gabanihi ka dambaysay **bay** keentay sixni ka buuxa bariis iyo hilib.

Maalintaas, haddaan lay bixin islaantaas, cunto **layma** haleen].

Haddii aad u fiirsato qoraalkan kor ku qoran, waxa aad garan kartaa in ay jiraan 1) labo erey oo isku erey u qoran - kuwa jiitinta leh ; iyo 2) labo erey in ka badan oo isku erey u qoran - kuwa aad u madaw. Labadan ammuurood waxa ay muujinayaan dhaqanka hadalka. Wawaan na dhaliya degdegsiinya u gaarka ah hadalka. Qofka aan kala baran dhaqanka hadalka iyo kan qoraalka, aad ayaa ay ugu adag tahay in uu kala sooco labada. Maxaa yeelay, waxyaabaha ay ku kala duwan yihii hadalka iyo qoraalku, waa la bartaa ee ma aha aqoon lagu dhasho.

Ereyyada hadalkan sare ee qoran, jiitinta lihi, waxa ay mid kasta ka kooban tahay labo erey. Marka qoraalka waa in la kala qoraa. Kolka ay isku qoran

yihiiin, waxa aan ku magacaabay koobnaan. Kolka ay kala qoran yihiiin se, waxa aan u baxshay fidsanaan.

### 1. Labo erey oo isku qoran, sida :

KOOBNAAN	FINSANAAN
1. Wuxuu	-----> waxa aan.
2. Waabay	-----> waab ay.
3. Badanoo	-----> badan oo.
4. Anoo	-----> aniga oo.
5. Markaan	-----> markii aan.
6. Buu	-----> baa uu.
7. Bay	-----> baa ii.
8. Gargaartayoo	-----> gargaartay oo.
9. Gacantay	-----> gacanta i.
10. Anigoo	-----> aniga oo.
11. Midaan	-----> mid aan.
12. Laakiinse	-----> laakiin se.
13. Bay	-----> baa ay.
14. Waan	-----> waa aan.
15. Laysku	-----> la isku.
16. Waxay	-----> waxa ay.
17. Dambee	-----> dambe ee.
18. Saacaddayduba	-----> saacaddaydu ba.
19. Way	-----> waa ay.
20 Tobankiina	-----> tobankii na.
21. Way	-----> waa ay.
22. Waqtiguna	-----> waqtigu na.
23. Wuxuu	-----> waxa uu.
24. Damboo	-----> dambe oo.
25. Waabtana	-----> waabta na.
26. Waaba	-----> waa ba.
27. Inaan	-----> in aan.
28. Oon	-----> oo aan.
29. Waxaan	-----> wax aan.
30. Intay	-----> intii ay.
31. Gabanihi	-----> gaban ihi.
32. Haddiyaan	-----> haddii aan.
33. Lay	-----> la ii.
34. Layska	-----> la iska.

Hadalka qoran ee sare, ereyyada madoobi, waxa ay mid kasta ka kooban tahay labo erey waxa ka badan ; kala fidintoodu na waa sidan hoose.

## 2. Labo erey in ka badan, oo isku qoran, sida :

<u>KOOBNAAN</u>	<u>FIDSANAAN</u>
1. Markiibana	-----> markii ba na.
2. Qoriyahoo	-----> qori ah oo.
3. Bay	-----> baa ay ii.
4. Dhaaminoon	-----> dhaamin oo aan.
5. Maroontay	-----> ma roon tahay.
6. Ladnahaye	-----> ladan ahay ee.
7. Dayoon	-----> dayo oo aan.
8. Diyaarihina	-----> diyaar ihi na.
9. Ayaygu	-----> ayaay ay iigu.
10. Waxbayga	-----> wax baa iga.
11. Bay	-----> baa ay i.
12. Layma	-----> la ii ma.

Waxa aynu halkan ka garan karnaa erey marka uu kooban yahay in uu yeelan karo fidsanaan dhawr siyood ah. Tusaale ahaan ereyga "bay" waxay ay fidsanantiisu noqon kartaa :

Bay	----->	1. baa ii, 2. baa ay, 3. baa ay ii, 4. baa ay i, 5. baa i.
-----	--------	--

Bal, u fiirso weedhahan - kooxda 1d. waa uu kooban yahay ereyga "bay", tan 2d. se waa uu fidsan yahay :-

### Kooxda 1d. KOOBNAANTA "BAY".

1. Cali bay keenay buugga.
2. Inanta bay dhirbaaxday hooyadeed.
3. Farriinta bay sheegtay Caashi.
4. Inantu hadal bay tidhi.
5. Cali bay salaamay.

### Kooxda 2d. FIDSANAANTA "BAY".

1. Cali baa ii keenay buugga.
2. Inanta baa ay dhirbaaxday hooyadeed.
3. Farriinta baa ay ii sheegtay Caashi.
4. Inantu hadal baa ay i tidhi.
5. Cali baa i salaamay.

Waxa weedhahan ku cad in ereyga "bay" uu lee yahay shan macne oo ka dhashay dhismaha weedhaha uu ku jiro. Haddii ereyyada uu ka kooban yahay ereygu isku duubnaan loo qoro, waxa dhib noqonaysa meelaha qaarkood shantaas dhisme kii qoruhu macnihiisa u jeedo. Bal, eeg weedha saddexaad :

### **3. Farriinta bay sheegtay Caashi.**

Weedhan macneheeda saddaxdan weedhood tee baa qoruhu ula jeedaa :

- (i) Farriinta baa ii sheegtay Caasha.
- (ii) Farriinta baa ay ii sheegtay Caashi.
- (iii) Farriinta baa ay sheegtay Caashi.

Saddexdan weedhood ee ka dhalan kara weedha 3d., macnahoodu waxa weeye :

1. Farriinta aan helay ayaa Caasha war iga siisay.
2. Caasha ayaa aniga ii sheegtay farriinta.
3. Caasha ayaa sheegtay farriinta.

Marka waxa dhib ah in la kasoo saddexdaas macne tii ay lee tahay ee qoruhu ula jeedo weedha saddexaad ee ereyga "bay" uu ku jiro.

Waxa kale oo iyadu dhib noqonaysa in la sugo ereygani "bay" qaybta hadal (part of speech) ee uu ka mid yahay-ma magac (noun) baa, ma fal (verb) baa, ma se waa qurub (particle ama xaraf) ? Ereyga kooban ama isku duuban qaybtiisa hadal la ma sheegi karo. Qofkii qayb qabadsiyyaa na, ma sugna qeexidiisu. Maxaa yeelay, waxa aynu ogsoon nahahay in marka "bay" la fidiyo ama la kala saaro aanuu macnuhu is beddelayn. Markaas na uu yahay saddex erey ama labo erey. Haddii aynu fidinno se, waxa inoo hawl yaraanaysa in aynu labada ama saddexda erey ee uu ka kooban yahay mid ba qaybtiisa haybin karno.

Marka aynu ka soo qaadno, kolka uu labada yahay :

1. baa ii,
2. baa ay,
3. baa i,

waxa aynu hawl yari u ogaanaynaa in ay :

1. "baa" qurub tahay ;
2. "ii" magacuyaal meeleeeye (prepositional pronoun) tahay—"u" oo meeleeeye (preposition) ah iyo oo magacuyaal layeeye (object pronoun) ah, oo isku dhafmay ;
3. "ay" na ay tahay magacuyaal yeeleed (subject pronoun).

Haddii aynu eegno marka uu saddexda yahay :

1. baa ay ii,
2. baa ay i ;

waxa aynu ogaanaynaa in ay :

1. "baa" tahay qurub ;
2. "ay" na tahay magacuyaal yeeleed ;
3. "i" na tahay magacuyaal layeele ;
4. "ii" na tahay magacuyaal meeleye ("u" oo meeleye ah iyo "i" oo magacuyaal yeele ah, oo isku dhafmay).

Waxa tusaalayaashan inooga caddaanaya, in ay koobiddu tahay labo erey ama in ka badan oo isku duubmay. Iyada oo la kala saaro ereyyada mooyaan ee aan la tilmaami karin ereyga koobani dhisme ahaan iyo macne ahaan ba waxa uu yahay. Ereyyada isku dhafmay kala saarkoodu na, waxa uu yahay mid loo baahan yahay marka qoraalka.

## **1.2 QORAALKA**

Hadda waxa aan dib u qorayaa hadaalkii qornaa, oo imminka aan u beddelay qoraal qoran. Waxa aan filaya in akhristuhu, ereyyada aan kala qoray uu isagu na kala qoro oo uu garawsado fikraddan fidsanaanta iyo macnaha ay gudbinayso.

[Habeen hore waxa aan ka cunteeyay waab ay wax ku kariso islaan garasho badan oo dheer. Waxa aan soo galay waabta aniga oo gaajaysan, markii ba na waxa aan ku dhacay kursi qori ah oo miis ku dhaw. Markii aan isku hubsaday baa uu ila dhacay. Waabta islaantii ka shaqaynaysay baa ii gargaartay oo gacanta i qabatay. Aniga oo wareersan baa ay i fadhiisisay mid aan kii dhaamin oo aan dhacayn, laakin se liqliiqanaya. Markii aan wareer gooyay baa ay i tidhi, "hooyo, maroontahay?"

Waxa aan ku jawaabay, "waan ladnahaye, wax la cunaa ma yaalliiin?"

"Wax laysku dayoon caano ahayn, diyaarihina ma yaalliiin." Ayaa ay iigu jawaabtay.

Waxa aan idhi, "Maxaa dhacay ?"

Waxa ay tidhi, "Waa goor dambee saacaddaada eeg."

Saacaddaydu ba, saw, waa ay fadhiisatay, tobankii na waa ay tilmaamaysay. Waqtigu na waxa uu ahaa goor dambe, oo cagtii go'day, waabta na waa ba la iska xidhayay. Waxa aan u sheegay islaantii in aan dhawr caano maal cunto haleeli waayay, oo wax aan hilib iyo bariis ahayni wax ba iga taraynin. Intii ay yara aamustay baa ay i tidhi, "sug", oo iga dhaqaaday. Goor hal gaban ihi ka dampaysay baa ay ii keentay sixni ka buuxa bariis iyo hilib.

Maalintaas haddii aan la ii bixin islaantaas, cunto la ii ma heleen].

Waxa aynu qoraalkan ka dhuuxi karnaa in aanuu erey ku duubnayn erey kale ee uu mid waliba gooni u qoran yahay. Marka se la isku duubo ereyyo, ay tahay sumad hadalka u gaar ah, sida weedhaha ku jira labada kolmood, oo muujinaya hadalka haasaawaha ah ee qofku yidhi.

Qoraalku waxa uu lee yahay oo gaar u ah habka fidsanaata, oo erey kasta ay tahay laga ma maarmaan in uu gooni u qormo, haddii aan looga jeedin in uu yahay hadal la qoray sida sheekaysiga kor ku qeexan. Marka qoraalka waxa hawl yaraanaysa kala soocidda ereyyada, taas oo salka ku haysa qaybaha hadalka ee Afsoomaaliga. Qaybaha guud ee hadalka ee Afsoomaaligu lee yahay waa saddexdan :

1. Magac (noun) ;
2. Fal (verb) ; iyo
3. Qurub (particle, xaraf).

Saddexdaas qaybood mid waliba waxa ay lee tahay qaybo hoose yimaada qaybta guud. Kala soocidda ereyyadu waxa ay suuragalaysaa oo keli ah, marka erey waliba uu gooni u qoran yahay. Haddii se dhawr erey ay isku duuban yihiin, waa ay adag tahay in qayb lagu sheego ereyga isku duuban ama kooban.

### **1.3 KOOBIDDA IYO FIDINTA.**

Xubintani waxa ay ka kooban tahay (1) meelo ay hawl yar tahay fidintu ; (2) meelo ay adag tahay ; iyo (3) meelo aanay habboonayn.

#### **1. Meelaha ay fudud tahay fidintu waxa ka mid ah :-**

- (i) Magac, (qodob-article) iyo magacuyaal yeeleed oo isku duubmay, sida :

##### **b) Koobnaan :**

<u>Geedaan</u>	(geedkaan)	beeray	
<u>Geedaannu</u>	(geedkaannu)	beernay	
<u>Geedaynu</u>	(geedkaynu)	"	
<u>Geedaad</u>	(geedkaad)	beertay	ayaa Cali jaray.
<u>Geedaydin</u>	(geedkaydin)	beerteen	
<u>Geeduu</u>	(geedkuu)	beeray	
<u>Geeday</u>	(geedkay)	beertay	
<u>Geeday</u>	(geedka)	beereen	

##### **b) Fidsanaan :**

Geed	aan	(aan)	beeray	
	aannu	(aannu)	beernay	
	aynu	(aynu)	"	
	aad	(geeka/geedkii aad)	beertay	ayaa Cali jaray.
	aydin	(aydin)	beerteen	
	uu	(uu)	beeray	
	ay	(ay)	beertay	
	ay	(ay)	beereen	

- (ii). Magac, (qodob), qurub weedheed (sentence particle), iyo magacuyaal yeeleed oo isku duubmay, sida :

**a) Koobnaan :**

<u>Geedaan</u>	(geedkaan)	beerayaa
<u>Geedaannu</u>	(geedkaannu)	beeraynaa
<u>Geedaynu</u>	(geedkaynu)	"
<u>Geedaad</u>	(geedkaad)	beeraysaa
<u>Geedaydin</u>	(geedkaydin)	beeraysaan
<u>Geeduu</u>	(geedkuu)	beerayaa
<u>Geeday</u>	(geedkay)	beeraysaa
<u>Geeday</u>	(geedkay)	beerayaan

ee Cali ha biyeeyo.

**b) Fidsanaan :**

Geedka	ayaa
Geed/geedkii	baa
Geedku	waa

aan	beerayaa
aannu	beeraynaa
aynu	"
aad	beeraysaa
aydin	beeraysaan
uu	beerayaa
ay	beeraysaa
ay	beerayaan

ee Cali ha biyeeyo.

- (iii). Ereyga, "waxa", iyo magacuyaal yeeleed, oo isku duubmay, sida :

**c) Koobnaan :**

Waxaan	tegay
Waxaannu	tagnay
Waxaynu	"
Waxaad	tagtay
Waxaydin	tagteen
Wuxuu	tegay
Waxay	tagtay
"	tageen

cayaarta.

**b) Fidsanaan :**

Waxa	aan	tegay	cayaarta.
	aannu	tagnay	
	aynu	"	
	aad	tagtay	
	aydin	tagteen	
	uu	tegay	
	ay	tagtay	
	"	tageen	

(iv) Ereyga "wax", qurub weedheed iyo magacuyaal yeeleed, oo isku biiray, sida :

**'j Koobnaan :**

<u>Waxaan</u>	helay	ee yaa leh ?
<u>Waxaaannu</u>	helnay	
<u>Waxaynu</u>	"	
<u>Waxaad</u>	heshay	
<u>Waxaydin</u>	hesheen	
<u>Wuxuu</u>	helay	
<u>Waxay</u>	heshay	
"	heleen	

**b) Fidsanaan :**

Wax	aan	helay	ee yaa leh ?	
	aannu	helnay		
	aynu	"		
	aad	heshay		
	aydin	hesheen		
baa				
ayaa				
waa				

**2. Meelaha ay adag tahay fidintu waa dhawr, waxa na ka mid ah :-**

- (i) Marka ay isku biiraan erey hawl "tilmaame" (Adjective) haya iyo falahaanshaha "ahay" (Verb to be), sida :

**i) Koobnaan :**

I	II
Waan <u>madoobahay</u>	Waan <u>ladnahay</u>
Waannu madawnahay	Waannu ladannahay
Waynu "	Waynu ladannahay
Waad <u>madawdahay</u>	Waad ladantahay
Waydin <u>madawdihiiin</u>	Waydin ladantihiin
Wuu madawayahay	Wuu ladanyahay
Way <u>madawdahay</u>	Way ladantahay
" madawyihiiin	" ladanyihiiin

Tusaalahan sare, meelaha suntan waxa adag kala qoridda tilmaamaha "madaw/ladan" iyo fal "ahay" ; Kuwa aan suntanayn se waa ay hawl yar tahay fidintu, maxaa yeelay labada erey ba mid na wax iska ma beddelin ee mid wali ba waa asalahantiisii, sida :

**b) Fidin hawl yar**

I	II
aan .....	aan .....
aannu madaw nahay	aannu ladan nahay
aynu " "	aynu " "
Waa aad .....	Waa aad ladan tahay
aydin .....	aydin ladan tiihin
uu madaw yahay	uu ladan yahay
ay .....	ay ladan tahay
" madaw yihiin	" ladan yihiin

**b) Fidinta adag :**

Waxa is beddela codad erey ka mid ah.

**(i) aan habboonayn :**

Waa	aan	madooba	hay
	aad	madaw	<u>dahay</u>
	aydin	madaw	<u>diihin</u>
	ay	madaw	<u>dahay</u>

Waa	aan	<u>lad</u>	nahay
-----	-----	------------	-------

**(ii) habboon :**

Waa	aan	madaw	ahay
	aad	madaw	tahay
	aydin	madaw	tiihin
	ay	madaw	tahay

Waa	aan	ladan	ahay
-----	-----	-------	------

**3. Meelaha aanayn habboonayn kala qoridda ereyyada isku duubmay, waxa ka mid ah :**

- (i) Qurubka diidmo ee "aan" iyo magacuyaal yeeleed, sida :

**a) Koobnaan :**

Waxa	aanan	
	aanaan	
	aynaan	
	aanad	tegin magaalada.
	aanaydin	
	aanu	
	aanay	
	"	

**b) Fidsanaan :**

Waxa aan	aan	
	aannu	
	aynu	
	aad	tegin magaalada. (aad baa ay dhegtu u diidaysaa).
	aydin	
	uu	
	ay	
	"	

Fidintu meelaha qaarkood aad ayaa *ay* u biixiyaysan tahay. Ma na u fududa sidan fidinta meelaha adag. Bal, u fiirso, ereyga "maxay" ma isku sinji baa labadan su' aalood :

1. Maxay doonaysaa ?
2. Waa Maxay tani ?

Haddii ay isku sinji yihiin, waa in ay isku fidsanaan noqdaan. Fidintu waa in aanay murtida su'aasha beddelin.

1. Ma wax baa ay doonaysaa ?
2. Waa ma wax baa ay tani ?\* (waa ay murti burburtay).

Go'aan : ereyga "maxay", weedha hore waa uu fidsami karaa. Ta dambe se ma fidsami karo. Marka aad Afingiriisi u tarjunto, waxa aad moodaysaa in ay ladada erey isku sinji yihiin, oo ay u dhigmaan ereyga "what" ; fidinta sare se waxa aynu ku ogaanay in aanay sidaasi sugnayn.

## II. JAWAABAHA.

### 1.4 Laylisyo Bogga 4d.

#### Layliska 1d.

- |                 |                 |
|-----------------|-----------------|
| 2. q-o-f (3)    | 3. k-e-1-i (4)  |
| 4. t-a-1-o (4)  | 5. b-a-d (3)    |
| 6. d-i-n (3)    | 7. a-w-r (3)    |
| 8. k-o-w (3)    | 9. s-h-i- (3)   |
| 10. s-h-a-d (4) | 11. s-h-e-k (4) |

#### Layliska 2d.

- |                    |                           |
|--------------------|---------------------------|
| 2. r-o-d-h-i (5)   | 3. d-h-a-m-n (5)          |
| 4. m-a-1-b (4)     | 5. c-a-y-n (4)            |
| 6. k-h-a-m-i-s (6) | 7. b-i-1-a-d (5)          |
| 8. B-i-y-0 (4)     | 9. c-a-n-o (4)            |
| 10. r-a-s (3)      | 11. n-a-b-d-g-e-1-y-o (9) |

#### Layliska 3d.

- |                   |                    |
|-------------------|--------------------|
| 2. q-o-f (3)      | 3. k-e-1-i (4)     |
| 4. k-a-n (3)      | 5. k-u-w-a-n (5)   |
| 6. g-o-d-i-n (5)  | 7. x-u-b-i-n (5)   |
| 8. h-a-d-1-i (5)  | 9. c-a-s-r-i (5)   |
| 10. a-n-s-x-i (5) | 11. b-e-dd-1-i (5) |

#### Layliska 4d.

- |                     |                     |
|---------------------|---------------------|
| 2. k-a-r-uu (4)     | 3. m-a-s-g-o (5)    |
| 4. m-a-g-aa-1-d (6) | 5. G-aa-sh-n (4)    |
| 6. b-u-n-d-g (5)    | 7. j-i-dh-o (4)     |
| 8. j-i-r-t-o (5)    | 9. sh-a-b-ee-1 (5)  |
| 10. h-a-dh-uu- (4)  | 11. h-a-dh-uu-b (5) |

### 1.4 Laylisyo Bogga 9d.

#### Layliska 1d.

- |     | <u>dhaddig</u> |     | <u>dhaddig</u> |
|-----|----------------|-----|----------------|
| 2.  | eyyad          | 3.  | gashaanti      |
| 4.  | geenyo         | 5.  | dooro/digaagad |
| 6.  | eddo           | 7.  | ayeeyo         |
| 8.  | habaryar       | 9.  | gabadh         |
| 10. | Abeeso         | 11. | sodoh          |

### Layliska 2d.

#### Labood

1. shaadhka
4. shukmaanka
5. masarka
7. surwaalka
9. shaatiga
12. suunka
14. shaalka
17. kesheliga
18. weesaqa
20. fargalka

#### dhaddig

2. macawista
3. garbasaarta
6. marada
8. saacadda
10. fasaleetiga
11. kabta
13. cimaamadda
15. malkhabadda
16. googarradda
19. silisiladda

### Layliska 3d.

- |              |           |                 |
|--------------|-----------|-----------------|
| 2. Finan     | 3. Tiirar | 4. Marar        |
| 5. Muusas    | 6. Moosas | 7. Suuman       |
| 8. Shaadhadh | 9. Habab  | 10. Sanan/suman |
| 11. afaf     |           |                 |

### 2.3 Laylisyo Bogga 11d.

### Layliska 1d.

- |                  |              |
|------------------|--------------|
| 2. cabaya        | cabayay      |
| 3. dheeraanayaa  | dheeraanayay |
| 4. qasayaa       | qasayay      |
| 5. doorayaa      | doorayay     |
| 6. furayaa       | furayay      |
| 7. xidhayaa      | xidhayay     |
| 8. Jarayaa       | jarayay      |
| 9. Cuslaanayaa   | Cuslaanayay  |
| 10. fududaanayaa | fududaanayay |
| 11. Tirayaa      | tirayay.     |

### Layliska 2d.

- |             |         |
|-------------|---------|
| 2. diraa    | diray   |
| 3. hadlaa   | hadlay  |
| 4. wacaa    | wacay   |
| 5. maqlaa   | maqlay  |
| 6. baraa    | baray   |
| 7. tumaa    | tumay   |
| 8. gaabnaa  | gaabmay |
| 9. Jabnaa   | jabmay  |
| 10. xidhnaa | xidhmay |

### Layliska 3d.

1. Dhuubnaaday
2. Furtay
3. Furay
4. Dhuubnaaday
5. Dhuubnaatay
6. Furnay
7. Dhuubnaanay
8. Dhuubnaateen
9. Fureen
10. Dhuubnaadeen

### Layliska 4d.

1. Hadlaa
2. Buurnaataa
3. Hadlaa
4. Buurnaadaa
5. Hadashaa
6. Buurnaanaa/buurraanaa
7. Hadashaan
8. Hadlaan
9. Buurnaadaan/buurraadaan

### **3.4 Laylisyo Bogga 14d.**

#### Layliska 1d.

2. t. Qalinka iyo dhalada ayaa jabay.
3. t. Qalinka ayaa dhacay oo jabay.
4. t. Islaanta iyo inanta ayaa yimid.
5. t. Biyihii ayaa kululaaday oo karay.
6. t. Shaadh iyo shaayad ayaa gubtay.
7. t. Raadiyaha ayaa daarmay oo hadlay.
8. t. Baabuur iyo baaskeel baa muuqda.
9. t. Ilmaha Caanihii baa ka xumaaday oo daatay.
10. t. Neefkii libaax baa helay oo cunay.
11. t. Gabadhii iyo hooyadeed mas baa qaniinay.

#### Layliska 2d.

2. t. Dhalo ama muraayad ayaa jabtay.
3. t. Caleentii ama ubixii baa daatay.
4. t. Dabkii ama dhuxushii baa shidmay.
5. t. Daruur ama ceeryaamo baa cirku lee yahay.
6. t. Qalin ama masaxad i sii.
7. t. Sinimihii ama riwaayaddii Cali baa galay.
8. t. Gurigii ama xaafaddii Caasha ayaa tagtay.
9. t. Shaadhkii ama surwaalkii ayaa jeexmay.
10. t. Bakhaarkii ama dukaankii Cali baa tegay.
11. t. Inankii ama inantii baa yimid.

### Layliska 3d.

2. t. Ninku waa (uu) hadlayaa ama (waa uu) tegayaa.
3. t. Dabkii waa (uu) baxayaa ama (waa uu) shidmayaa.
4. t. Geedku waa (uu) magoollan yahay ama (waa uu) cagaaran yahay.
5. t. Irriddu waa (ay) xidhan tahay ama (waa ay) ceshan tahay.
6. t. Geelii waa (uu) caymaday ama (waa uu) la dhacay.
7. t. Awrkii waa (uu) lumay ama (waa uu) caymaday.
8. t. Cali waa (uu) gudbi intixaanka ama (waa uu) dhici.
9. t. Gidaarku waa (uu) dhismi ama (waa uu) dumi.
10. t. Xoghayihii waa (uu) baxay ama (waa uu) hoyday.
11. t. Ardaygu waa (uu) bukaa ama (waa uu) caataysan yahay.

### 3.3 Laylisyo Bogga 21d.

#### Layliska 1d.

- |      |      |       |       |       |
|------|------|-------|-------|-------|
| 3. D | 4. D | 5. B  | 6. B  | 7. D  |
| 8. D | 9. D | 10. B | 11. B | 12. D |

#### Layliska 2d.

- |          |             |
|----------|-------------|
| 2. waa   | 3. ayaa     |
| 4. waa   | 5. baa      |
| 6. waa   | 7. baa/ayaa |
| 8. waa   | 9. waa      |
| 10. ayaa |             |

#### Laylis 3d.

- |               |                       |                       |
|---------------|-----------------------|-----------------------|
| 2. ma-abyane  | 9. farcan             | 16. lammaane          |
| 3. farcan     | 10. ma-abyane         | 17. tilmaameed        |
| 4. abyane     | 11. abyane            | 18. farcan            |
| 5. abyane     | 12. farcan            | 19. lamaane           |
| 6. lammaane   | 13. lamaane           | 20. farcan/tilmaaneed |
| 7. tilmaameed | 14. farcan/tilmaameed | 21. abyane.           |
| 8. abyane     | 15. ma-abyane         |                       |

### Layliska 4d.

- |     |           |     |           |
|-----|-----------|-----|-----------|
| 2.  | nooca 1d  | 3.  | nooca 2d. |
| 4.  | nooca 4d  | 5.  | nooca 5d. |
| 6.  | nooca 3d  | 7.  | nooca 4d. |
| 8.  | nooca 2d  | 9.  | nooca 5d. |
| 10. | nooca 3d  | 11. | nooca 4d. |
| 12. | nooca 1d  | 13. | nooca 1d. |
| 14. | nooca 3d  | 15. | nooca 5d. |
| 16. | nooca 2d  | 17. | nooca 1d. |
| 18. | nooca 4d  | 19. | nooca 5d. |
| 20. | nooca 3d. |     |           |

### 4.3 Laylisyo Bogga 29d.

### Layliska 5d.

- |     |          |     |            |
|-----|----------|-----|------------|
| 2.  | Ma aan   | 12. | Buugga aan |
| 3.  | Ma aad   | 13. | Qalin uu   |
| 4.  | Ma uu    | 14. | baa ay     |
| 5.  | Ma ay    | 15. | Buug aan   |
| 6.  | Ma aannu | 16. | baa aad    |
| 7.  | Ma aynu  | 17. | Wax aad    |
| 8.  | Ma aydin | 18. | Waqtma     |
| 9.  | Ma ay    | 19. | ma la      |
| 10. | Goor ma  | 20. | ma ka.     |
| 11. | Ma ka    |     |            |

### **III. EREYBIXINIA.**

**ASTAAMAYN :** ( ترقيم ) ; Punctuation ; punteggiatura) waa hab ama nidaam caalaamado xarfaha ka duwan leh, oo lagu qorsheeyo fikradaha qoraalka.

**ASTAMAYN SUGAN :** ( ترقيم مضبوط ) ; correct punctuation ; punteggiatura corretta) waa sida habboon ee astaan ku qorshaysa fikradaha qoraalka.

**ASTAAMAYN QALDAN :** ( ترقيم خطأ ) ; incorrect punctuation ; punteggiatura inesatta) waa sida aan habboonayn ee astaan ku qorshaynta fikradaha qoraalka.

**AFTALYAANI :** ( اللغة الإيطالية ) ; Italian language ; lingua Italiano ; ) waa dadka talyaaniga u dhashay afkooda hooyo.

**AFINGIRIIS :** ( اللغة الإنجليزية ) ; English language ; Lingua inglese) waa afka hooyo ee ay isku af gartaan dadka ku nool dal ingiriiska, hadda se ah afka hooyo oo dalal badan oo aan ingiriis ahayn ama u dhalan.

**AFSOOMAALI :** ( اللغة الصومالية ) ; Somali language ; lingua somala) waa atka hooyo ee Soomaalidu ku wada hadasho.

**AFCARBI :** ( لغة عربية ) ; Arabic language ; Lingua arabo) waa afkooda hooyo dadweynaha carbeed iskula hadlaan.

**ALIFBA :** ( حرف هجائي ) ; Alphabet ; alfabeto) waa xarafaha lagu sunto ama lagu qeexo codadka af lee yahay.

**TUSAALE :** ( مثال ) ; example ; esempio) waa hadal fikrad qeexaya.

**TUSE :** ( جدول ) ; Table ; tabella ; ) waa shaxan hadal kala qaybsha.

**XARAF :** ( حرف ) ; Letter ; Lettera dell' alfabeto) waa calaamadaha ama summadaha codadka af lee yahay lagu sunto.

**DHADDHIG :** ( مؤنث ) ; female/feminine ; femminile) waa habka dhaddigaansho ee macne ama naxwe ee af lee yahay aan se ku xidhnayn naagnimo iyo ninimo.

**EREY :** (كلمة Word ; parola) waa cod ama in ka badan oo luqad ka mid ah, laakiin se yeeshaa macne dhan ama dhiman.

**EREYEYN :** (علم تكوين وتركيب الكلمات reduction, riduzione) waa erey qeexaya fikradda lagu haybiyo weedh saleed. Marka erey keli ah ee weedhu hari waayo waa weedh saleed.

**SAL :** (أساس base ; fondamentale) waa erey qeexaya erey aan cod ka bixin karayn ama weedh aan erey ka bixi karayn.

**SHARCI :** (قانون rule ; regola) waxa heer hoose oo naxwe.

**SHAHAQAL :** (حرف علة متحرك vowel ; vocale) waa erey qeexaya cod ku samaysma afka laakiin se aan laba xubnood oo afka ka mid ihi isu dhawaan.

**SHIBBANE :** (حرف صامت أو ساكن Consonant ; consonante) codka samaysa marka laba xubnood oo afka ku yaallaa ay ku kulmaan ama isku dhawaadaan.

**SUNTAN :** (سوم بعلامة marked ; segnato ; ) waa lahaansh astaan ama sumad naxweed oo erey asalkiisa ka kaxaysa.

**GOORAYN :** (زمن الفعل Tense ; tempo) waa habka fikireed ee maskaxda qofku ula dhaqanto waqtiga joogteysan ee aan qofku xukumin.

**GOORAYN AMAR :** (زمن الفعل الأمر imperative mode ; modo imperativo presente) waa falamrku goorta ammineed ee uu dhaco.

**GOORAYNTA TAGTO :** (زمن الفعل الماضي المجرد simple past tense ; passato remoto) waa falid dhacday waqtii tegay.

**GOORAYN SOCOD TAGTO :** ( فعل ماضي متدرج past progressive tense ; imperfetto indicativo passato progressivo) was falid soconaysay waqtii tegay.

**GOORAYN SOCOD JOOGTO :** (زمن حاضر متدرج present progressive tense ; presente indicativo (forma progressivo)) waa falid soconaysa waqtii jooga.

**GOORAYN JOOGTO** : ( زمن الفعل الحاضر المجرد ) ; simple present tense ; presente abituale assoluto) waa falid dhacaysa had walba ama waqtii kasta.

**CAYN** : ( جنس ) ; gender ; genere) waa hab macne ama naxwe dhaddignimo iyo laboodnimo oo saameeya magacyada af lee yahay, aan se ku xidhnayn ninnimada iyo naagnimada.

**COD** : ( صوت ) ; sound, phoneme ; suono, fonema) waa codka u yeeshaa murti macne afka uu ka mid yahay.

**CODAYN** : ( علم الاصوات الملفوظة ) ; phonology ; fonologia) waa barashada cilmiga codadka ee af lee yahay.

**FALAHAAANSHO** : ( فعل كان ) ; verb to be ; verbo essero) waa erey fal ah laakiin se qeexaya ahaansho.

**FAL TILMAAMEED** : ( فعلي ) ; verbal ; verbale) waa erey qeexaya fal hawl tilmaame qaban kara.

**FAL FARCAN** : ( فعل استنتاج ) ; derived verb ; verbo derivato) waa fal sal ah oo uu ku biiray lifaaq macne ku kordhiya.

**FAL** : ( فعل ) ; verb ; verbo) waa qaybta saddexaad ee qaybaha hadalka Afsoomaaliga ama ereygii goorayn iyo rogoogid yeesha.

**FAL ABYANE** : ( منظم الحركة ) ; regular verb ; verbo regolare) waa erey fal ah oo gadaal keli ah iska rogropa.

**FAL LAMMAANE** : ( فعل مركب ) ; compound verb ; forma composta del verbo) waa laba erey oo hawl fal haya.

**FAL MA-ABYANE** : ( فعل غير قياس ) ; irregular verb ; verbo irregolare) waa falka hore iyo gadaal iska rogropa.

**FIDSANNAAN** : ( توسيع ) ; expansion ; forma piena, non contratta) waa hawsha kala qoridda marka qoraal, ereyyo isku koobmay marka hadalka.

**KELI** : ( مفرد ) ; singular ; singolare) waa erey qeexaya kelnimada erey dhaddig iyo lab ba.

**KOOBID** : ( انتباض ) contraction ; contrazione, forma contratta) waa hawl hadal oo isugu keenta dhawr erey hal erey.

**LABOOD** : ( ذكر ) ; male ; masculine ; maschile) waa habka laboodnimada ee macne ama naxwe ee af lee yahay, aan se ku xidhnay ninnimada.

**LAYLIS** : ( تمرین ) ; exercise ; esercizio) waa tababarid jidh ama maskaxeed oo ku salaysan hawl qabad.

**LIFAAQ** : ( مطرف ) ; affix ; affisso) waa erey dhiman oo ku lifaaqan erey dhan ama erey dhiman.

**MAGAC** : ( اسم ) ; noun ; nome ; ) waa qaybta 1d ee qaybaha hadalka oo ah erey qeexaya wax, hab, xaalad ama qof.

**MAGACUYAAL YEELEED** : ( ضمير فاعل ) ; subject pronoun ; pronomo soggettivo) waa magacuyaallada yeelaha noqda.

**MACNE DARAN** : ( بلا معنى ) ; nonsensical, meaningless ; sensa senso) waa magaca guud ee ereyga ama odhaahda ama weedha aan macne lahayn lagu aqoonsada.

**MACNE DHIMAN** : ( معنى ناقص ) ; incomplete meaning ; senso incompleto) waa magaca guud ee ereyga ama weedha macnaheed dhantaalan yahay.

**MEELEEYE** : ( حرف جر ) ; preposition ; preposizione) waa erey aan macne qaamuus lahayn bal se leh macne naxwe. Falka waa uu ka borreeyaa, magac na waa uu xanbaarxan yahay.

**NAXWE JABAN** : ( غير نحوی ) ; ungrammatical ; sewogrammaticato) waa erey qeexaya naxwe la' aanta, taas oo macne buuxa, dhantaasha ama dumiyisa.

**NOOC** : ( نوع ) ; kind/type ; tipo) waa erey qeexaya waxa kala nooc ama qaadh ah.

**WADAR** : ( جمع ) ; plural ; plurale) waa magaca guud ee qeexaya habka wadaraynta ee af lee yahay.

**WEEDH** : ( جملة ) ; Sentence ; frase) waa ereyyo isdabajooga oo qeexaya macne dhan oo hadal.

**WEEDHEYN** : ( علم تركيب الكلام ) ; syntax ; sintassi) waa barashda cilmiga naxweed ee weedhaha.

**HADAL** : ( كلام ) ; speech ; lingua parlata) waa erey qeexaya marka hadal heer hadal yahay.

**QAAMUUS** : ( قاموس، معجم ) ; dictionary ; dizionario/vocabolario) waa buug kooba macnaha ereyyada af lee yahay ama kuwo isu dhigma oo laba af kala lee yihiin.

**QODOB** : ( اداة ) ; article ; articolo) waa erey qurub ah, laakiin se ku lifaaqma magac oo ku biiriya macrifad ama aqoonsi gaar ah.

**QODOB AQOONSI** : ( اداة التعريف ) ; definite article ; articolo definito) waa erey ku lifaaqma magaca oo ku biiriya macne aqoonsi.

**QORAAL** : ( كتابة ) ; writing ; scrittura) waa erey qeexaya marka hadalku heer qoraal isu beddelo.

**QOFAYN** : ( شخص، فرد ) ; person ; persona) waa habka uu falku ugu aado falka marka dhinaca magacuyaallada laga eego, ama isku-aadanaanta yeelaha iyo falkiisa.

**QURUB** : ( حرف ) ; particle ; particella) waa qaybta saddexaad ee qaybahaa hadalka Afsoomaaliga-ereyyada aan magac iyo fal mid na ahayn.

**XIDHIIDHIYE** : ( حروف عطف ) ; conjunction ; congiunzione ; Erey aan macne qaamuus lahayn oo isku xidha odhaahyada iyo weedhaha.

**QURUB WEEDHEED** : ( حرف جملة ) ; sentence particle ; particella frase) waa qurub tilmaan u ah weedhaha saleed ee wartebineed.